

A2<sup>r</sup>

Vorred zum leser.  
 ALs yetzund die welt ge=  
 fchickt ift / kan ich wol gedenckē/  
 vnd bey mir felbs erachten/ das  
 fich vil leut nit wenig verwun=  
 dern werden / was mich verur=  
 facht habe difes troumbüchlin /  
 wie man nächtlliche geficht vnnd tröum vnder=  
 fcheyden/ außlegen vnd erklâren foll / zûfchreibē/  
 vnnd was etwan von den alten/ funderlich dem  
 trefflichen Philofopho Artemidoro durch fleiffi=  
 ge erforschung vnd langwirige erfarniß gerecht  
 vnd warhafft erfundē / aber bißher (wie auch an=  
 dere treffliche künfft) als veracht vnd ring gehal=  
 ten/verduncklet vnd verborgen bliben/ wideruñ  
 herfür fûch vnd an tag bringe · Die felbigen aber  
 werden jres verwunders nachlaffen/ wa fy mei=  
 nes fürnemmens vnnd des rechten grunds/ auß  
 welchem ich bewegt/ eygentlich bericht werden.  
 Fürnemlich die weil niemands leügknen kan/  
 auch folchs von alter her/ yederman glaubt vnnd  
 war hafftig gehalten/ das wir ein götliche mût=  
 maffung vnd furfehug künfftiger ding in vns  
 haben/ dardurch wir abneñen mögen/ was vns  
 künfftigs gûts oder böß widerfaren vnd zûhan=  
 den gon foll/ welche fürfehüg oder mûtmaffung  
 A ij die

A2<sup>v</sup>

Vorred.

die alten ein weiffagung genant habẽ/ ift ein grof  
 fe anzeygüg das die menschlich feel vö dem höch  
 ften Gott erfchaffen/ vnd mit götlichen gaben ge  
 ziert ift/ dieweil allein dem menfchen gegebẽ vnd  
 eingebildet ift künfftige ding(das allein dem all=  
 mechtigen Gott zûgehört) durch gewiffe vorgon  
 de zeychen zûerfahren · Es ift auch kein volck auff  
 dem erdbodẽ / es fey wie wild/ vngfchlacht/ grau  
 fam vnd grimẽ es wöll/ das nitt feltigklich glaub  
 vnd dafür halt/ das den menfchen zûgeben fey/  
 das er weiffagen/ vnd künfftige ding mütmaffen  
 küñd/ daß es haben vor vil jarẽ vnd zum aller er=  
 ften die Affirier (welche der göttlichen kunft des  
 weiffagens erfte anfänger gwefen feind / dieweil  
 jr landfchafft faft eben/ weit vnd breyt was/ auch  
 des himels vmbkreyß vnnd oberfte fleche allent=  
 halben vnuerhindert/ befchawet werden möchtẽ  
 den lauff des getirns/ Suñ / Mon/ vnd gantz(  
 himels wargenuñen/ vnnd darauß die göttlich  
 kunft der Aftronomey/ durch welche man einem  
 yeden warhaftig anzeygen vnnd erfahren mag/  
 was jm die zeit feins lebens zûhanden gon/ vnnd  
 widerfahren wirt/ erfunden. Dife götliche kunft  
 ift nach vilen jaren auch von den Egiptern auff=  
 genuñen worden · Es haben auch jre nachbaurẽ  
 die Cilicier vñ Pifide/ vnd die einwoner des läds  
 Pamphilie wargnuñen/ das man auß dem flug  
 vnd gfang oder gschrey der vögel/künfftige ding  
 ab

A3<sup>r</sup>

---

Vorred.

abnehmē vnd ermessen kan · Darumb auch die al  
ten Griechen gar nichts angehaben oder gehand  
let/ wa sy nit vorhin durch antwort der götter od<sup>o</sup>  
andere weiffagung ein gewiffen beſcheyd/ wie  
folchs vollendet wurde/ empfangen hettē · Deß=  
gleichen auch Romulus der erft anfänger/ er bau  
wer vnd König der ſtatt Rom / iſt in diſer kunſt  
der weiffagung faſt geübt vnd erfahren gwefen /  
als auch etlich andere König/ die jm in dem reich  
gefolgt haben · Deßhalben vilerley weiſen/ dar=  
durch man künfftige ding erlernen vnd erfahren  
kündt / in der ſtatt Rom auff bracht / vnd in grof=  
ſen eeren vnd werdt gehalten worden ſeind/wel=  
che ſy von vil andern vólckern zúwegen bracht vñ  
gelernet haben / vnder welchen die weiffagung/  
offenbarung vnd mútmaffung künfftiger ding/  
die wir durch die tróum vnnd náchtliche geſicht/  
auch rechte erklárung vnd außlegung erlernen/  
vnd erfahren/ nit die ringeft gewefen iſt / auch der  
ſelbigen vil mer glaubens gebē dañ den andern/  
dieweil ſy ein gewiffen vnd fattern grund hatt/  
auch durch vil exempel/lange erforchung vnnd  
auffmercküg/ allzeit warhaftig vñ gwiß erfun  
den worden iſt/ als wir folches auch noch täglich  
erfahren/oder bey den alten geſchrichtſchreibern/  
folche exempel mit gantzem fleiß beſchribē findē/  
deren wir etlich zú einer gwiffen zeügkniß anzey  
gen vnd erzólen wóllē · Dem König Tarquinio

A iij Super

A3<sup>v</sup>

Vorred.

Superbo hat auff ein zeit tröumet / wie ein Hirt  
 zů jm kuñ / vnd zwen schöne wolgetalte Wider  
 von eim schaaff geboren / mitt sich bring / vnnd er  
 den schönften daruon nach der weiß vnd gewon=  
 heyt der Heyden den göttern schlachte vnd auff=  
 offer / Als er aber den anderen bey den hörnern  
 hielt/ hat er jn mit einem stoß hefftig verwüdet/  
 von den hörnern zů der erden gestoffen/ dz er auf  
 den rucken gefallen ist / also hat er gehen die suñ  
 von der lincken gegen der rechten seiten mit jrem  
 glantz vnd klarheytt jren lauff vollbringen · Difer  
 troum ist jm von den eltesten vnnd weifesten also  
 außgelegt worden/ das er sich hüt vnd wol fürfe  
 he/ den selbigen nit veracht / vnd für vnuernünff  
 tig als ein vich halt/ der mit weißheytt vnnd für=  
 sichtigkeytt begabt ist/ dar mit er nit von dem selbi  
 gen auß seinem reich veriaht vnd verstofften wer  
 de / dann der widerwertig vnnatürlich lauff der  
 Suñ bedeüte dem Römischen volck ein groffe  
 verenderung/ aber zů glück vnd wolfart/ dieweil  
 die Suñ jren schein von der lincken gegen d<sup>9</sup> rech=  
 ten seiten gehabt hab im troum · Das aber folchs  
 geschehen vnd ergangen ist / weyßt ein yeder wol  
 der in der Römischen Chronick oder geschichtbü=  
 chern ein wenig belesen ist. Es schreibt auch Pon  
 tius Heraclides ein trefflicher mañ vnd ein jun=  
 ger des groffen Philofophi Platonis/ das d<sup>9</sup> müt  
 ter Phalaridis des graufamen tirañen vnd wüte  
 richs

A4<sup>r</sup>

Vorred.

richs getröumet hab/ wie der abgot Mercurius  
 ein schalen voll blüts/ die er in feiner rechtē hand  
 hielt / auff die erden goffen hab / fey also das selbig  
 blüt auff der erden erwallet / vnnd also hefftig  
 auffgequelt dz das gantz hauß voll blüts worden  
 fey · Difer troum hat jhr on zweifel die graufam  
 erschrocklich/ vnd vnmenfchlich tirañey jres luns  
 bedeut/ welcher alle tirañen vnd wütrich in grau  
 samkeyt vñ vnmenfchlicher blütdurftigkeit über  
 treffen hat · Also hat auch dem König Ciro tröu=  
 met / wie er die Suñ zů vnderft an feinem beth fe  
 he / vnd zum dritten mal nach jr greiff / vnd fy lich  
 aber als oft auß dräye / vnnd zů dem dritten mal  
 gar verfchwind / haben jhm die alten warfager  
 folchen troum außgelegt vnd gedeüt/ das er noch  
 xxx · jar leben vnd regieren werde/ welchs gefche  
 hen dañ er hat das fibentzigft jar feins alters er=  
 reycht/ vnd war xl · jar alt als er zum reich kam/  
 Dergleichen exempel werden auch vom Keyfer  
 Augufto befchriben/ dann als er doch faft kranck  
 mit feinem hör wider Brutum vnd Caffium den  
 todt des Keyfers Julij zůrechen im Philippifch=  
 en feld lage / hatt feinem artzet tröumet / Artori=  
 us genant/wie jm die Góttin Minerua erfchin/  
 vnd jm befelch geb/ dem Keyfer Augufto anzůfa  
 gen das er den folgenden tag nit auß der fchlacht  
 bleib/ als folchs der Keyfer Auguftus vername/  
 hat er lich vornen an die fpitz des hörs füren laf=

A iiij fen/

## A4v

Vorred.

fen/ als er dafelbft in hoffnung was/ den fig zů er  
 langen/ hat Brutus das låger Augufti eingenů=  
 men/ Alfo ift der Keyfer Auguftus auß verheng  
 niß Gottes der tirañey vnd dem gewalt entgan=  
 gen/ vnd durch den troum gewarnet vnnd erret  
 worden · Das er aber deft ee dem troum feins ar=  
 tzets Artorij glauben geben vnd gefolget / ift ein  
 vrfach gewefen/ das exempel/ das er von der Cal  
 phurnia feines vatters weib gehört hat/ welcher  
 tróumet in der vordern nacht/ als Julius erfto=  
 chen ward/ des andern tags / wie fy jhn hett hart  
 verwundet in ihr fchoßligen/ des troums fy falt  
 erfchrockē / vnd des morgens den Julium fleiffig  
 gebetten/ das er des felben tags nit zů rath gien=  
 ge/ Aber damit er fich nit ließ ein weibfchē trom  
 erfchrecken/ gieng er in radt/ vnnd ward dafelbs  
 mit vilen wunden jãmerlich erftochen. Es be=  
 fchreibt Cicero ein wunderbarliche hiftori eines  
 troums/ es feind zwen gefellen auß Arcadia mit  
 einander auß zogen/oder über feld gangen/ vnd  
 gen Megaram die ftatt kůmen/ dafelbft aber von  
 einander gefcheyden / der ein zů feinem gůtten  
 freünd/ aber der ander in ein fchlechte tabern od<sup>9</sup>  
 galthauß einkõret/als man nun nach dem nacht=  
 effen zů beth gieng/ vnnd fich yederman zur rúhe  
 begab/ hat dem einen/ der zů feinem freünd einkõ  
 ret hat / tróumet / wie jhn fein gfell anfchrye vmb  
 hilff/ vnd wa er nit bald auff wer/ vnd jn errettet/  
 würde

A5<sup>r</sup>

Vorred.

würde jn fein würdt vnd galtgeb oder Tabernier  
 rer vmbbringen. Als nun diser folchs troums feer  
 erschrack/ ist er schnell auffgewücht/ als er aber  
 ermundert / vermeynt er es wer nur ein geficht  
 oder fantafey/ hat sich widerumb nider gelegt zû  
 der rûh/ als bald hat jm widerumb trôumet/ wie  
 fein gefell vor jm stand/ jn bett vnd er man/ hab er  
 jm nit wôllen zûhilff kûmen/ vnd fein leben erret  
 ten/ soll er doch feinen todt nit vngerochen lassen/  
 dañ fein würdt hab in ermôrdt / vnd in ein mift=  
 hauffen auff einen wagẽ geladen/ vergrabẽ/ dar  
 umb soll er sich auff machen / vnnd des morgens  
 am thor auff solchen miftwagen warten/ vnd al=  
 so feinen vnschuldigen todt vnd mordt anzeygen.  
 Von difem trom ward er erft bewegt/ macht sich  
 auff/ gieng zû der porten/ vnd er wücht den wa=  
 gen/ fragt den fûrmañ was dariñ fteckt/ od<sup>9</sup> was  
 er fûret / daruon er erschrack/ vnnd hinweg flohe/  
 da ist der entleibt herfür zogen/ vnnd der würdt  
 vmb den mordt geftrafft vnd gericht worden.  
 Dergleichen exempel werdẽ vil von den gſchicht  
 ſchreibern oder hiftoricis anzogen vnd beſchriben/  
 Darumb die Rômer als vil auff dife weiffagung  
 vnd eröffnung künfftiger ding durch die trôum  
 vnd nâchtliche geficht gehalten haben/ das gebot  
 ten ward/ alles das/was einem funderlich trôu=  
 met/ das jn bedunckt den gemeynen nutz antref=  
 ren/ folte für den oberften radt gebracht werden.

Av Es

A5<sup>v</sup>

Vorred.

Es ist auch diese weiffagung künfftiger ding vn= fern Christlichen glauben in keinen weg entgegē oder zūwider/ dieweil folche trōum allein nūch= tern vernünfftigen vnd weifen perfonen/ die nit mit speiß tranck / allerley wolluft vnd üppigkeyt überladen seind/ fürkūmen/ daß was solchen groben / vnuerftendigen/ vihilichen leüten/ die on ordnung vnd alle vernunfft/wie das vich jrem wol= gefallen vnd gūtduncken nach / in aller fülle vnd vnmäßigkeit leben/ von trōumen oder nāchtlichen gefichten fürkumpt/ ist nichts anders daß ein gespenft vnnd fantasey deren ding/ damit sy des tags vmbgond vnd treiben/ welchs jnen daß im schlaff also wider fürkumpt / kan nichts darauß erfahren oder geurteylt werden / daß es trōumet auch den vnuernünfftigen thieren von folchē dingen/ die allein den leib antreffen · Dieweil aber nun diese kunft nicht allein die Heydnisch/ funder auch die götlich schrift warhafftig zeüget/ als wir desselben nit weniger noch ringer exempel habē/ in heyliger vnd götlicher schrift/ kan ich nitt wissen auß was vrfach diese götliche kunft/welche die menschlich natur übertrifft/von etlichen naßweisen vñ die fast vil vff jr stoltze weißheyte haltē / getadelt wirt / vnd zū teyl gantz vernicht vnnd ver= acht / auch für vngewiß/ falsch/ vnnd betrüglich gehalten/ dieweil doch gewiß ist / wie solchs der trefflich / glaubwürdig/ vnd warhafft geschicht= schreiber

A6<sup>r</sup>

Vorred.

ſchreiber Trogus beſchreibt/ das der mañ Gottes  
 Joſeph/ der ſun Jacobs/ diſe götliche kunft erft=  
 lich erfunden hab / vnnd wie die heylig geſchriſt  
 felbs bezeügt/ in diſer kunft faſt geübt vnd erfa=  
 ren gwelen ſey/ dañ als er auff ein zeit ſeinen brü=  
 dern erzölt/ was jm tröumet het/ namlich wie ſy  
 auff dem feld garben mit einander auffbunden/  
 aber jn bedunckte wie ſich ſein garb die er gebun  
 den heit/auffrichtet vnd ftünd/ aber ſeiner brüder  
 garben ſich vmbher buckten vnnd neygten gegen  
 ſeiner garben/ haben ſeine brüder bald auß diſem  
 troum gemerckt vnd gemütmaßt / das er über ſy  
 herrſchen wurde / darüb ein neid vnd feindſchafft  
 auff jn geſchlagen Er hat aber noch einẽ andern  
 troum/ den erzölet er auch ſeinen brüdern / vnnd  
 ſprach/ Sehend ich hab noch einẽ troum gehabt/  
 mich bedunckte die Suñ vnd der Mon / vnd eylff  
 ſternen buckten ſich vor mir/ vnnd da das ſeinem  
 vatter vnd ſeinen brüdern gefagt ward/ ttrafft jn  
 ſein vatter / vnd ſprach zũ jm / Was iſt das für ein  
 troum/ der dir tröumet hatt? foll ich / vnnd dein  
 mütter/ vnd deine brüder kummen / vnd für dich  
 nider auff die erd fallen? vnd ſeine brüder neide=  
 ten jhn · Es begab ſich aber / nach dem er auß neid  
 von ſeinen brüdern verkaufft ward in Egipten  
 gefürt / vnd daſelbft vnſchuldigklich vmb der ge=  
 rechtigkeyt willen in das gefengkniß / mitlampt  
 dem Schencken vnd oberſten hoff becken des Kü  
 nigs

A6<sup>v</sup>

Vorred.

nigs zû Egipten gelegt ward / das den felbigen beyden trôumet in der gefengkniß / einem yegkli chen ein funderer troum / Erflich dem Schencken/ wie ein weinftock vor jhm gewefen wer/ der hett drey râben od<sup>9</sup> griene zweig gehabt/ die wûch fen vnd blüeten/ vnd ward jre frucht zeitig/ vnnd er het dē bâcher des Königs Pharaons in feiner hand / vnd zertruckte die treübel bôr darein/ vnnd gabe dem König den bâcher in die handt · Difem hat Jofeph feinen troum alfo außgelegt/ nâlich / das die drey râben drey tag bedeütten folten/ das er der gefengkniß entledigt wurd/ vnd wider vō dem König Pharao in fein ampt gefetzt werden folt/ das er jhm den bâcher in die handt geb / nach der vorigen weiß / dieweil er noch fein Schenck were · Als aber der Beck hört/ das die bedeütung difes troums gût was/ fprach er zû Jofeph/ mir hat auch trôumt/ wie ich drey kôrb voll gebachens brot auff meinem haupt trüge/ vnd mir die vōgel darauß affend / vnd die fpeiß hinweg trügen/ Jofeph antwort jm / vnnd fprach/ das ift die bedeütung von den drey kôrben/ drey tag/ vnd nach drey tagen wirt Pharao dein haupt erheben/ vnd dich an den liechten galgen hencken / vnnd die vōgel werden dein fleyfch verzôren/ Vnnd es gefchahe des dritten tags/ das Pharao feinen jars tag begieng/ vnd den Schencken widerumb zû feinem ampt fetzet / aber den Becken ließ er henckē · Aber  
der

A7<sup>r</sup>

---

Vorred.

der Schenck gedacht ftätigs an den troum/ vnnd wie jn jhm Jofeph außgelegt hatt · Vnd als nach zweyen jaren dem König Pharao tröumet ein troum/ darab fein geyft betrübt ward/ vnnd nach allen warfagern in Egipten ſchicken ließ jm feinen troum außzulegen / redet der Schenck mitt Pharaon/ vnd erzölet jm alle gefchicht / wie Jofeph jhm vnd dem Becken jhre tröum außgelegt hett · Da ſendet Pharao nach Jofeph / vnd erzölet jm feinen troum/ den jm funft niemands von den Egiptiern hat außlegen vnd deütten künne. Darumb noch heütigs tags ein zanck zwifchen den Juden vnd Heyden ift / vmb die eer/ von welchem teyl diſe götliche kunft erfundē ſey / dieweil ſolches die Juden dem Jofeph / dem ſun Jacob zůſchreiben/ auß zeügkniß der heiligen gefchrifft/ aber die Heyden dem Amphictione/ ꝛ Das aber diſe gewilffe/ warhafftige/ vnd götliche kunft/ vñ vnfern voffaren/ den elteften Juden vnd Heydē/ bey vns gar in verachtung kumen ift/ acht ich/ hab fein vrfprung/ vnd ſey daher erwachfen/ dieweil es nicht ein gering ding ift/ ein yeden troum warhafftig außlegen vnd erklären / auch nit einē yeden ſolche tröum/ durch welche man treffliche zů künfftige ding mütmaffen vnnd erachten kan/ fürkumen/ oder wie gefagt ift/ erfcheinen/ ſunder allein den heyligen/ Gotsföchtigen/weifen/ vnnd redlichen leüten/ welche ſich der maßligkeyt vnd

A7<sup>v</sup>

Vorred.

vnd vernunfft in allen dingen gebrauchen/ den  
 felbigen wirdt auß götlicher ſchickung durch die  
 feel (welche von art ein weiffagerin ift) die ftã=  
 rigs wachet/ zũ oberft in der vernunfft vnd finn  
 (ob ſich gleich wol der leib zũ rügen gebẽ hat/ vñ  
 on alle entpfindtligkeyt / gleich als ob er todt we=  
 re/ ligt vnd rúwet) beſchawet/ gleich wie ein ge=  
 treüwer vnd forgfeltiger haußhalter/ was dem  
 menſchlichen cörper / darein ſy verſchloffen ift / als  
 in eim hauß vnd wonung/ fur zũfäll /glück oder  
 vnglück zũhanden gon mögen / folches bildet ſy  
 der vernunfft ein / durch wunderbarliche figurẽ/  
 vnd feltzame gefalten/ deren ding die wir tãg=  
 lich vor augen ſehen/ darmit wir vo den böſen zũ  
 fällen vnd vnglück gewarnet ſeyen/ vnd das gũt  
 mit verftand vnd klügheynt mögen erharren vnd  
 auffnehmen · Darumb diſe kunft nit wenig nutz  
 bringt wa ſy recht vnd gepürlich gebraucht wirt/  
 dañ auch offtmals den årtzten inn den tröumen/  
 (die ſich hefftig bekümmerten vnd bemüheten/  
 vmb das heyl vnd gefundtheynt jrer krancken) für  
 kumen ift/ was ſy dem felbigen nutzlich vnd on  
 ſchaden darreychen möchten/ wie folchs Hippo=  
 crates vnd Galenus die furnempften artzet/ die  
 ye gewefen ſeind/ an vil orten bezeügen/ dann die  
 artzney hat ein funderliche gmeynſchafft mit der  
 weiffagung / dieweil ſy beyde von einem anfã=  
 ger / als die Heyden beſchreiben/ namlich dem A=  
 polline

A8<sup>r</sup>

Vorred.

polline erfunden feind · Es erlernt auch offtmals  
 der artzet auß den tröumen des kranckē/ die recht  
 vrfach der kranckheytt/ on welche er sunft dem krā  
 cken nit helffen mag / ꝛc · Auß difen vil erzōlten vr=  
 fachen / biñ ich fürnemlich bewegt worden/ dife  
 götliche kunft nit lenger verdücket/veracht/ ver=  
 nicht / verfpott/ vnd gantz für vnwarhafftig ge=  
 halten werden/ der hoffnung/ es werd ein yeder  
 rechtſchaffner menſch/ der alle ding zů dem beſtē  
 kōret/ dife mein angewendte mūh jm nit mißfal=  
 len laffen/ wa ich folchs ſpüren vnd mercken wur  
 de/ würd ich verurfacht werden/ auch ande  
 re ding / die bißher verduncket/ vnnd  
 verborgen feind/ yhederman zů  
 nutz vnnd gůt an tag  
 zůgeben.

End der Vorred difes troum=  
 bůchlins.

# B1<sup>r</sup>

---

Vored / gemeyne eyn=  
 leytung vnd vnderweifung der vr=  
 fach vnd vrfrungs aller trôum vnnd nâchtlicher  
 geficht / wie fy von den alten vnderfcheyden vnnd  
 ordenlich geteylt worden feind. Auch was von ei=  
 nem yeden außleger vnd erklärer der trôum vnd  
 nâchtlicher geficht / dardurch er künfftige ding  
 erfaren/ anzeygen vñ offenbaren will/erft=  
 lich betracht vnnd wargenum=  
 men werden foll.  
 ES haben die altē Weif=  
 fager/ Propheten / erklärer vnd  
 außleger der trôum vnd nâcht=  
 licher geficht/ welche dife götli=  
 che kunft auß langwiriger erfa  
 rung/fleißiger erforschung vnd  
 nachtrachtung/ gewiß/ warhafftig vnnd vnbe=  
 truglich befunden/ mitt hōchftem vnnd grōftem  
 fleiß/ alles das fo vns pflegt fürzûkūmen oder er  
 fcheinē des nachts fo lich der leiblich cōrper in die  
 rûh begeben/aber die feel wachet/bewegt vñ ge=  
 triben wirt inn alle ort des leibs/den felbigen zû=  
 herrfchen vnnd regieren/dañ der leib on alle ver=  
 nunfft vñ leibliche entpfindtligkeyt ift im fchlaff/  
 aber die feel wachet allein / erkeñt vnd ficht ficht=  
 barlich/hōret/ geet/ greiff/wirt betrûbt/mercket  
 B auff/

# B1<sup>v</sup>

---

## Eynleyttung

auff/ in suñā fy verwaltet vnd treibt alle gepürliche werck des gemüts/ das wir gwonlich in gemeyner Teütfcher sprach Trôum/ Geficht / Erscheinungen/ oder zuzeiten gespenft nennen. Erstlich in zweyerley vnderfcheid ordenlich geteylt/ als in trôum/ nâchtliche geficht vnd fantaseyen/ die da gegenwertige ding allein bedeuten/ vnd vns deffen ermanen/ das wir vorhin in vnserem sijn vnd gedancken gefallt vnd verschlossen haben/ als das dem bûler fürkumpt vnd fantasiert / wie er im sauß vnd freuden leb/ vnd sein aller liebste bey ihm hab/ aber dem forchtamen erscheint daffelbig das er fürchtet/ also dem hungerigen wie er esse/ dem durftigen wie er trincke/ auch dem vollen / wie er sich erbrech vnd vnwill/ so die dunft von der speiß beschwert / vnd überladen/ nit verriecken mögē. Durch folche trôum mag gar nichts künfftigs angezeygt oder erlernt werden/ daß fy vns allein ermanē (wie glagt ist) der ding die wir vorhin in vnsern sinnen vnd gedancken haben/ vnd treffen das gemût allein/ oder den leib allein oder fy beyde/ leib vnd gemût miteinander an/ dann das dem bûler fürkumpt/ wie er in freuden leb/ vnd sein lieb bey ihm hat/ trifft fy beyde den leib vnd dz gemût an. Aber sich erbrechen/ schlaffen /vnd wider essen vnd trincken / trifft allein den leib an / Also auch fro sein/ oder betrübt werden/trifft allein das gemût an. Die lieblichen

B2<sup>r</sup>

in diß troum büchlin.  
 leiblichen tröum habē jren vrsprung eintweders  
 auß mangel oder einē überfluß · Der seelen aber  
 oder des gemüts vnd gedancken auß forcht oder  
 einer hoffnung · Alle dife tröum haben allein jhr  
 bedeütung im schlaff/ mit welchein sy auch ver=  
 gond vnd verschwinden · Aber die rechten tröum  
 von welchen wir inn difem büchlin sagen / haben  
 jr bedeütung aufferhalb des schlaffs/ so wir dar=  
 durch küfftige ding erfahren vñ mütmaffen · Di  
 se werden ertlich in zwey teyl vnderfcheyden vñ  
 geteylt / In warhafftige geficht/ also das vns ein  
 ding fürkumpt/ eben gleich in der maffen vnd ge  
 ftalt / wie es geschehen soll · Als auff ein zeit einē  
 im schlaff fürkam vnnd tröumet/ der auff einem  
 schiff was/ wie er wassers nót durch einen schiff=  
 bruch leiden müft / vnd ist folchs bald hernach ge=  
 schehen/ nach dem er erwachet ist/ brach dz schiff/  
 vnd vergieng/ aber er mit großer anglt vnd not/  
 auch nit weniger müh vnd arbeyt/ kaum mit ett=  
 lichen feinen mitgefellen/ den er seinen troum an  
 zeygt vnd erzölt hat/ daruon kumen vnd errettet  
 worden · Also hat auch auff ein zeit einē tröumet/  
 vnd im schlaff fürkumen / wie er von einem ver=  
 wundet ward/mit dem er jm fürgenumen hett/  
 des andern tags auff das geiäg zügen/ ist auch  
 geschehen/ daß er mitt dem selbigen außgangen  
 ist / vnd eben gerad an dem selbigen glid/namlich  
 oben in der achsel wie im traumet / vnnd in dem  
 B ij schlaff

B2<sup>v</sup>

## Einleyttung

ſchlaff fürkummen was/ von jhm ongefârd ge=  
letzt vnd verwundet worden.

Aber die gemeynen vñ natürlichen trôum/ da  
rin vns die feel ettwas zükünfftigs / verborgner  
vnd verdunckleter weiß/innerlichen durch viler=  
ley feltzamer formen vnnd gefaltten anzeygt (die  
von natur ein weißfagerin ift) wôllen wir auff dz  
aller fleiffigt erklären/ vnd in gûter ordnung an  
zeygen / ertlich / waher fy jhren vrfprung/ vrfach  
vnd bedeütniß haben.

Dife trôum feind ein bewegung/werck / vnd  
gedicht der feelen/ dardurch fy vns innerlichen/  
künfftige ding vnd zûfâll einbildet/ fy feyen vns  
nutz oder ſchad/bôß oder gût/ die vns dañ in kur  
tzer oder langer zeit hernach widerfaren vnd zû=  
handen gond.

Von den altẽ feind dife trôum in vilerley weg  
vnd gefalt vnderſcheyden worden/ aber fürnem  
lich in fünfferley weitleüffige auch weitbegriffi=  
ge vnderſcheyd/ als in eygne vns felbs angehõri=  
ge trôum/ darinn wir felber ettwas außrichten/  
vollbringen oder würcken/oder durch vns vö ei=  
nem andern außgericht vnd gewürckt wirt. Di  
ſe trôum ſollen auff vns allein gedeüt vnd außge  
legt werden. Die andern werdẽ frembde trôum  
genant/ ſo vns von einem anderen trôumet/ der  
vns bekant ift/ dife ſollen auff den ſelbigen fy feyt  
gût oder bôß gedeüt werden · Die dritten werden  
von

B3<sup>r</sup>

in diß troum büchlin.  
 von difen beyden zůfamen gefetzt/ also das einem  
 von jm felbs vnnd einem andern bekanten men=  
 fchen etwas tröumet oder fürkumpt · Die viertē  
 erfrecken fich in alle gmeyne ding / dardurch ein  
 ftatt vnnd gantze gemeyn erhalten wirt/ als kir=  
 chen/ radtheüfer/ gericht vnd radt/ dantzheüfer/  
 mårckt/ plätz/ gemeyne ftraffen/ vnd dergleichen  
 gemeyne gebew einer ftatt / dife follē auff ein gan=  
 tze gemeyn gedeüt werden · Aber die fünfften vñ  
 letften begreifen in fich den gemeynen lauff der  
 welt/ also fo vns fürküpt / wie wir ein graufame  
 groffe finfterniß fehen/ erbidem/ entpörung der  
 waffer / Suñ vnd Mon / vnd das gefirn verhin=  
 dert oder verderbt an jrem gewonlichen fchein·  
 Diweil aber dife vnderfcheydung vnd außtei=  
 lung der alten zů weitleüffig vnd weitbegriffig  
 feind/ kan jr bedeutung nit gewißlichen zůtref=  
 fen/ namlich die vnder dem erftē vnderfcheyd be=  
 griffen / welche vns allein antreffen vnnd gedeüt  
 werden follen/ hab ich offtmals erfahren/ das fol=  
 ches etwan den vatter/ etwan den fun antreffen  
 hat· Als einem auff ein zeit traumet/wie er in let=  
 ften todts nöten låge vnd ftarb / welchs nun difer  
 meynung vnnd vnderfcheydung nach der alten/  
 auff den felbigen allein folt gedeütet wordē fein/  
 wie dañ gefagt ift / ftarb jm aber in kurtzem her=  
 nach fein vatter/ dañ fy beyde in leib vnd feel mit=  
 genoffig miteinander waren · Also tröumet auch  
 B iij einem

B3<sup>v</sup>

## Einleyttung

einem andern wie man jhm den kopff abchlûg/  
 difem ift auch nachmals fein vatter abgetorben/  
 von welchem er das leben vñ vernunfft hett/wie  
 der leib von dem haupt · Alfo begibt es fich gwõ  
 lich auch/wa einem troumet wie er vmb fein ge=  
 ficht kuñ / dem fterben feine kinder / wiewol fol=  
 lichts auff jn felber folt gedeüttet werden.

Dergleichen exempel möchten gar vil herbey  
 gebracht werdẽ/ mit den frembden trõumen/ da  
 vns von einem andern trõumt/ geht es auch alfo  
 zû · Es hat eim trõumet/wie fein vatter verbreñ/  
 ift aber er felbs bald hernach getorben/ darumb  
 fein vatter fchwerlich beleydiget worden ift vmb  
 den todt feines funs/ vnd fich innerlich gefreffen  
 vnd verzõrt / von bekumernis / als ob er von eim  
 feür verbrent wurde · Darumb dermaffen folche  
 trõum von keinem der difer kunft geußt vnd er=  
 faren ift / außgelegt vnd erklårt werdẽ · Dañ wa  
 eim trõumt dz jm fein weib oder mütter fchwer=  
 lich kranck lige/ das auch jn felbft antreffen folt.  
 Wirt doch dardurch bedeüttet /ringer vand fait  
 kleiner gewinn feiner kunft oder handthierung/  
 dann ein yede kunft dardurch fich einer erhelt vñ  
 erhõret/ mag einer müter vergleicht werden/ die  
 vns auch erhõret vnd auff bracht hat / deßgleichẽ  
 auch einer haußfrawen / dieweil ein yede kunft  
 deffelbigen gantz eygen ift / der fy kan vnd zû fei=  
 ner notturfft braucht/ w. e fein E. frawen Alfo  
 freündt

B4<sup>r</sup>

in diß troum büchlin.

freündt vnd verwandte fehen/ mag also gedeüt=  
tet werdē / feind fy frölich / bedeüttet freüd / feind  
fy traurig/bedeüttet leyd.

Es haben auch also offtmals die gemeynen  
tröum/? a vns von vns felbs vnd von einem an=  
d<sup>n</sup> tröumet/ welches auff vns beyde folte gedeü=  
tet werden / yhr bedeüttung vnd anzeygung auff  
ein allein gehabt/ derhalben fy auch difer vnder=  
fcheydung züentgegen angezogen werden möch  
ten/ durch Exempel.

Dieweil nun gemeynklich dem erften vnder=  
fcheyd nach / alle tröum/ darinn von vns alleyn  
ettwas gehandelt wirt/ die auch auff vns alleyn  
vnder weilen wol warhafftig vnd gwiß gedeüt=  
tet werden mögen/ dermaffen/ wie fy von den al  
ten vnderfcheyden feind · Aber die anderen allfa=  
famen zü weitleüffig vnnd weitbegriffig feind/  
(als wir zum theyl gnügfam angezeygt haben)  
Wöllen wir doch ein andere vnnd gewiffere vn=  
derfcheydung fetzen vnnd anzeygen/ welche wir  
felbft durch langwirigen brauch /übung vnd er=  
farung am warhafftigften/ gewiffelten vnd vn=  
betrüglichften gefunden haben. Also das alle  
tröum die fich nitt außftrecken auff ein andere  
perfon / oder niemant darinn begriffen wirt / der  
etwas thū / leide oder handel/ dañ der allein/ dem  
folcher troum fürkumpt/ als fingen/ lefen/ redē/

B iiij |prin=

## B4v

## Einleyttung

(springen/ sterben/ schwimmen/ schätz finden / fitzen / schlaffen / weynen/ lachen vnn dergleichen werck / die wir allein volbringen mögen/ sollen allein auff den selbigen gedeütet vnn außgelegt werden/ dem solchs fürkumpt.

Was aber den leib antrifft/ als alle glider des leibs/ vnd was eufferlich zu dem leib gehört/ als bettgewand / kleyder / kiffen / trög/ vnd anderer haußrat / wiewol solchs auch vnfern leib betrifft/ haben sy doch gemeyniglich jr bedeutung auff einen andern/ der vns am nächften ist / nach dem vnd das selbig/ daruon vns tröumet/am nächstē vnd notwendigsten ist · Also wirt das haupt gedeüt auff den vatter/ der fuß auff dienftbotten/ knecht vnd mägdt/ die rechte hand auff die mütter/ fūn/brüder/ freünd/ vnd blutsuerwantē/ die linck hand auff das weib/ bülfschafft/ mütter/ töchter vnn schweltern / die heymligkeyt auff vnere ältern vnd kinder / die waden auch auff das weib vnd bülfschafft/ also soll von allen andern dingen auch verstanden werden ·

Aber so vns etwas vō andern leüten tröumet/ da wir nit allein etwas würckē oder leiden/ wirt daffelbig alles so gegen vns gehandelt wirt/ eygentlich auff vns gedeütet/ vnd also auch die andern/ wie es dañ im troum gefehen/vnd vns für kumen ist · Dañ so vns von vnfern freündē tröumet/ oder güten günnern etwas güts/ wirt jnen  
das

B5<sup>r</sup>

in diß troum büchlin.

das selb zûhanden gon/ darab wir auch ein freüd  
entpfahen werden. Ist aber der troum böß/ wirt  
es jnen in gleicher weiß zûhanden gon/ aber be=  
deüt jm / dem d<sup>9</sup> troum fürküpt/leyd vnd beküm=  
merniß/nit vmb des willē allein/ das feinē freün  
den übels zûhanden gadt/ funder auß eygner be=  
kümmerniß vnd traurigkeit. Also auch wañ vns  
etwas fürkumpt oder tröumet von vnfern fein=  
den vnd mißgunnern/ muß das widerfpil gera=  
ten werden.

Weiter von gmeynen tröumen/ die ein gantze  
gemeyn antreffen/ oder den gemeynen lauff der  
welt/ wie sy vorhin von den alten vnderfcheyden  
feind/ acht ich/ das keinem nichts tröume von de=  
nen dingen/deren er sich nichts annimpt/ od<sup>9</sup> vn=  
derwindet/ auch nitt von eygnen dingen/ so wir  
vns der selbigen entfchlagen vnd nicht achten/ ist  
auch nit wol möglich bey den menfchen/ das auß  
einem schlechtē traum eins menfchen allein/ fun=  
derlich so er geringer vnnd schwacher vernunfft  
ist / folche treffliche vnd weitleüffige händel soltē  
gedeütet oder anzeygt werdē Mag auch gründt  
lich bewifen vnd bewårt werden/ dz folche tröum  
allein auff den selbigē(wie oben von vnfern eyg=  
nen vnnd felbs angehörigen tröumen gefagt ist)  
dem er fürkumpt oder erfcheinet/ sol gedeüt vnd  
gezogen werden · Es sey dañ ein König/ Fürft/  
oder Mächtiger Herr / welche sich folcher gemey=

B v    nen

B5<sup>v</sup>

## Einleyttung

nen händel annehmen vnd beladen müffen/ jhres ampts vnd beuelchs halb / gar vil mehr dann der gemeyn vnuerftändig mañ/ dem wenig vertrau wet ift/ funder jnen als vnfern oberherren vñ regenten/ die vns fchützen vnd fchirmen / auch täg lich nach vnfer wolfart trachten follten · Etliche aber haben der halben vermeynt/ das schlechter einfältiger leüt tröum auch folten auff ein gmeyn gedeüt werden/ dieweil folche tröum etwan angezeigt/ nachmals also gelchehen vnd ergangen feind · Dife haben der rechten vnd<sup>o</sup>fcheidung vnd ordenlichen teilüg der tröum nit nachgetrachtet oder geacht/ darüb jr vrteil oder außlegung nit alzeit gewiß erfunden worden ift · Dañ vñ den altē / welche dife ding in langwiriger erfärüg vñ fleiffiger nachtrachtung gwiß erfundē haben/ ift gar fleiffig angezeigt wordē/ dz kein troū nimmermer d<sup>o</sup> eim fchlechten mañ alleyn fürküpt/ auff ein gantze gmeyn foll gedeüt werdē/ es fey dañ fach dz folcher troum vñ vilen miteinand<sup>o</sup> gehen vñ jn fürkūmen fey Ob auch zūzeitē eim ein folcher troum fürkām / darauß fich zūuermūten wer/ dz er vil leüttē güts bedeütet/ mögē als dañ auch vilerley tröum and<sup>o</sup>er leut erzölt vñ fleiffig erwegē werdē/ dardurch dañ künfftige ding erlernt vñ geoffenbart werdē vor jt er züküfft//auß eim diß/ auß jhenem ein and<sup>o</sup>s/ vñ also gar in kein. weg foll ein einziger troum eins fchlechtē menschens

B6<sup>r</sup>

in diß troum büchlin.

ſchens allein/ auff ein gantze gmein gedeüt werden. Er had dañ ein befelch od<sup>9</sup> anfehens/ als ein oberfter hauptmañ eins gantzẽ zeügs/ oder dem funft ein regiment oder herrfchung befolhen ift.

Es ift auch fleißig war zûnemēn in allẽ trôumen / funderlich die etwas glückfeligs vnd gûts bedeutẽ/ was der natur/ gwonheit/kunft/ handthierung/ vnd der zeit rechtmåffig vnd gleichförmig fey / dar mit ſchwere irrthumb zûuermeiden vnd zûenfliehen.

Die trôum werden auch weitter zû leichterm verftand allgmeynklich in zwen teyl geteylt oder vnderſcheyden / in ein gemeynen garbegreiffigẽ teyl / alfo dz etlich trôum faft lang feind/ vñ jr bedeütنيß auch lang/etlich kurtz/ vñ jr bedeütting auch kurtz/etliche aber feind kurtz begriffen/ vnd haben ein lange bedeütنيß /etliche aber lang/mit einer kurtzen bedeütنيß/ als zû einem exempel/ hat es einem trôumet / wie er flieg/ vnd nach feinem willen an das ſelb ort kum̃/ dahin er begert/ als er aber dafelbft hin kam/ hat jn gedaucht wie er fed<sup>9</sup>n hab/ vñ mit and<sup>9</sup>n frembden vögeln vñ her flieg/ aber bald wider heim in ſein hauß kam. Diſer ift bald hernach außgezogen/ ettwas außzûrichten/ das er yhm ernftlich fürgenommen het / vñ das ſelbig auch nach allem ſeim willẽ volendt/ dieweil er in ſeim troum nach ſeim begerẽ  
an

B6<sup>v</sup>

## Einleyttung

an das felbig ort/das er jm fürgenūmen hett/ al= fo leichtlich geflogen was/ ift auch von difer reyß reich worden/dañ durch die federn wirt reichtüb vnd die reichen bedeütet/ ift auch alfo von dannen on eynige ver hinderung wider heym zûhauß kû= men. Difer troum ift lang / vnd hat auch ein lan= ge außlegung vnd bedeütung

Einem andern hatt getreümet wie er guldine augen hab/ difer ift nachmals bald vmb fein ge= licht kumen/ dañ das geficht vnd gold haben gar kein gemeinfchafft miteinander · Difer troum ift faft kurtz / hat auch ein kurtze bedeütung.

Einem andern hat weiter trôumet/ wie er fei= nen eygnen nañen vergelfen vnd verloren habe/ Difem ift nu allein kurtzlich hernach fein fun ge ftorben/ daran er einen koftlichen fchatz vnd eygẽ= thumb/ das jm faft lieb was/ verlure/ funder vñ des nañens willen/ dañ er ward auch mitt dem nañen feins vatters geneñet/wie der troum be= deut/ den er im fchlaff verloren hett/ ift aber auch vmb all fein hab vnd gût kummẽ/ darumb er im rechten vor dem Richter handelt / vnnd daffelbig aber verlor durch das vrtheyl/ das wider jhn ge= fprochen ward/ derhalben er entweichen vnd ent lauffen muß/ das jhn fo fchwerlich bekümmert/ vnd fo hefftig anlag/ das er verzweifelt / vnd fich felbs erhenckt / dadurch er erft gantz vnd gar vñ feinen nañen kumen ift / wie im trôumpt hatt.

Dañ

B7<sup>r</sup>

in diß troum büchlin.

Dañ allein dife leüt/ welche jhnen felbft den todr  
angethon hetten /wurdē bey den alten vnfern vor  
faren nit vnder das gefchlecht oder lipfchafft ge=  
zölt / darmit der fchanden mitt der zeit vergeffen  
wurd/ darumb er gentzlich vmb feinen nammen  
kummen ift / des gar vergeffen worden ift · Difer  
troum ift an jhm felbs faft kurtz begriffen gewe=  
fen/ aber feine bedeutung hat fich gar weit erftrē=  
cket · Dañ aller difer vnfall ift jm bedeütet wor=  
den durch difen troum/ das er feinen eygnē nam=  
men verloren oder vergeffen hab/ wie dañ ein ye=  
der felbs leichtlich abnehmen vnd ermessen kan.  
Es hatt auch auff ein zeit einem tröumet/wie  
er feinen mitgefellen fpilen fehe mit einem fremb  
den mitt würflen/ vnnd gewinnen/ als aber der  
frembd vil verloren hett/vnnd vermerckt/ das es  
jm difer von hertzen gönnet/ift er über jn erzür=  
net/vnd mit jm in ein hader kummen / aber difer  
ift jm entrunnē in fein herberg / vnd dafellbft hat  
er die thür vor jm verfhloffen vnd verriglet · Als  
aber der fpiler nit zů jm mocht / hat er alfo wider  
hinweg gon müffen/ hat aber difen bedaucht wie  
jm ein grienes zweiglin auß dem einen fchenckel  
oder hufft wachß · Jft als bald hernach ein theyl  
des gebews von dem hauß/ welchs faft alt vnnd  
bawfellig was/ nider gefallen/ vnd jm von einē  
troum die hufft zerfchlagen wordē/ vnd dadurch  
er lañet/ dañ durch das fpil der würffel ward jm  
der

B7<sup>v</sup>

## Einleyttung

der todt bedeüttet/ das er aber dem fremhdē spi=ler entran/das er jn nit verletzen oder schädigen mocht/ bedeüttet jm/ das er auch dem todt entfliehen vnd daruon kuñen wirt / aber durchs krant od<sup>9</sup> grūn zweiglin das jm auß der hufftē wūchß / ward jm bedeüttet/ dz jm der selbig schenckel od<sup>9</sup> hufft zū gang verderbt vnd vngebrēuchlich wūde/ er lampt vñ vnentpfindlich/ gleich der erdē/ auß welcher allein kreütter vnd grūne zweiglin wachsen/ also ward difem durch ein langen troū ein kurtzer vnfall mit wenig worten bedeütet vñ offenbaret.

Durch den andern gemeyneren teyl difer let=ften vnderfchidung / werden alle trōum auch in vier teyl getheylet/ als in gantz gütte glückfelige trōum/ die innerlich vnd eufferlich güt feind/ vñ in böfe erfchröckliche trōum/ die innerlich vnnd eufferlich böß feind/ vnnd in trōum die innerlich güt / aber eufferlich böß feind / vnd in die letften/ die eufferlich güt/ aber innerlich böß feind.

Durch das innerlich wirt verftanden der troum/ geficht oder erfcheinung an yhm felbt/ aber eufferlich die bedeüttung/ außlegung vnnd zūfall dēffelbigen · Dann fo einem fürkumpt od<sup>9</sup> trōumet/wie er gottfelige heylige frumme personen fehe frōlich vnnd gūts müts fein/ ettwas gūts vns fagend oder reychend/ fy felbt oder yhe bildtniß von beftändiger werhaftiger materi gemacht

B8<sup>r</sup>

in diß troum büchlin.  
 gemacht/ oder seine älttern/ gütte freünd vnd ver  
 wandten knecht vñnd dienftbotten/ von welchen  
 der pracht vnd die zierd des haußgefinds gemee=  
 ret würd/ oder leipliche krefft vñnd ftercke vñnd  
 der gleichen tugent/mechtig in jm selbft befinde.  
 Dife ding feind vns faft anmüttig vñnd wolge=  
 fällig / fo fy vns im ſchlaff fürkummen oder er=  
 ſcheynen/ aber noch vil anmüttiger vñnd wolge=  
 fälliger an jnen ſelbft / fo wir fy eufferlich an vns  
 befinden oder innen werden · Aber das einen be=  
 duncket wie er gählingen von einer graufamen  
 höhe überfüt3 / vñnd heraber fall / oder inn die  
 händ der mörder vnd reüber fall/kranck fey oder  
 funft ettwas verlier/ darauff er feinen finn vnd  
 fleiß gefelt hat/oder ym von hertzen lieb ift / wie  
 dann vnfer gmüt gfinnet ift in folchen tröumen  
 vnd gfichten/ dermaßen wirt auch folcher zůfall  
 vns begegñ · Dermaßen feind auch and<sup>e</sup>e tröü/  
 etliche faft erfchröcklich vñ graufam an jn ſelbft/  
 bedeüten aber vnder weilen ettwas gůts/ deßglei  
 chen andere bedunckē vns faft gůt/ habē aber ein  
 böfe vnglückhafftige bedeütñiß vnd erklärang.  
 Ob auch einem ettwas hefftig angelegē were/  
 vñnd er aber begert durch einen troum die war=  
 heit feins fürnemens zůerfahren mit inniger vnd  
 ftäter nachtrachtung/ kumpt ihm dañ gerad das  
 ſelb für das er im liñ vnd gedancken hat/ ift gar  
 nichts darauff zůhaltē/ dieweil follichs allein ein  
 ermanung

B8<sup>v</sup>

## Einleyttung

ermanung zů des gemůts/ wie auch klārlich zů anfang dīfer vnderrichtung anzeygt ift / funder fo einem frembde ding/ vnd vil andere fürkummen/ darnach er weder gfiñet noch gedacht hat/ darauß mögē gewiſſlich vnd warhaftig / künfftige ding vnd zůfäll erlernet/erfaren/ vnd geoffenbart werden.

Es ift auch funderlich nitt zůachten/ was zeit oder ftundē vns folche trōum / erfcheinungen od<sup>9</sup> geficht fürkummen/ dañ es ift nit vil daran gelegē/ vnd gilt ebē gleich es fey tags oder nachts/ abends oder morgens/ allein das der mēſch nůch tern/in gůter vernunfft vñ verftand/nnit keinerley ſpeiſß oder tranck überfüllet oder überladē fey dañ die tiberige vōlle des abends/ vns auch des morgens verhindert vñ vngefchickt macht/rechte gewiſſe trōum oder geficht zůfehē / wiewol die felbig zeit morgens gegen tag/ die aller beſt vnnd fůglicheft von etlichen gehalten wirt.

Weiter fo ift auch faft nutz / vnd gantzlich von nōten/nit allein dem felbigen/ der folche geficht gefehen /oder ein troum fürkummē ift/ funder dem der folchs warhaftig außlegē vnd erklärē will/ das er eygentlich wiſſ/ wer er fey/ was er hādle/ oder treib/ was ftands er fey/vnd in welchem alter/ vnd hernach den gantzē troum eygentlich erwege/ dañ durch ein kleyne zůthůung od<sup>9</sup> abbruch mag der zůfall/welcher durch den troum bedēut wirt/

C1<sup>r</sup>

in diß troum büchlin.  
 wirt/ weit geändert werden/ dardurch ein falch  
 vrteyl oder außlegung erwachsen wirt ·  
 Darmit aber ein yeder verftändiger leichtlich  
 warhaftig/ gwißlich vñ on allen betrug/ ein ye=  
 den troum/ geficht/ er fcheinung vnnd der gleichē  
 nächtliche fürkuñung / felbft erklären/ außlegē  
 vnnd durch jhre bedeüttung künfftige ding er=  
 lernen vñ offenbaren mög / wöllen wir allerley  
 tröum/ vilerley weiß vnd gftalt/ wie fy dem men  
 fchen fürkuñen mögen/ erklären/ außlegen vnd  
 deuttlē/ wie wir folchs durch gwiffte kunft/ lang=  
 wirige erfahrung / fcharpffinnige vnnd fleiffige  
 nachtrachtung/von vilen menfchen in mancher=  
 ley landts art/erfarē/ geübt vnd gabraucht habē.  
 ¶ Register vnnd iñhalt des erften  
 büchlins/ von der außlegung/ erklärang  
 vnd bedeüttung der tröum/ was in ei  
 nem yeden Capitel funderlich  
 begriffen ift.  
 GEborn werden.                      das Erft Capitel.  
 Schwanger fein.                      ij cap.  
 Kinder fehen.                      iij cap  
 Wie ein kindt yngewunden vnnd gefellgt  
 worden.                      iiij · cap.  
 Von dem haupt.                      v · cap  
 C Von